

FOLASAGA MO LE FAIAOGA

Ina ia e saunia faaleagaga e aoao atu lenei lesona, faamolemole ia faitau ma mafaufau loloto i mea nei:

Ua tuuina mai e le Tama Faalelagi i matua le tiutetauave autu o le aoaoina o a latou fanau i poloaiga, saunia mea latou te manaomia faaletino ma le faaleagaga, ma puipuia i latou mai faalavelave. Ua Ia faamalosiau mai ia i tatou ia ava ma usiusitai i o tatou matua, ma Na te faamanuiaina i tatou i le saogalemu ma le fiafia pe a tatou faia o lea. (Tagai Esoto 20:12; Efeso 6:1–3; Kolose 3:20; “O Le Aiga: O Se Folafolaga i le Lalolagi,” *Liahona*, Iuni 1996, 10–11.)

SAUNIUNIGA

- Aumai se kopi o le Tusi Paia. Faailoga le Efeso 6:1 e faafaigofie ai ona e susue i ai.
- Faailoga le itulau 106 i le tusi lesona lenei e faafaigofie ai ona e susue i ai.

GAOIOIGA E AOA O AI

Amata i se gaoioiga faapotopoto. Mo manatu, tagai i le itulau 3.

Tatalo Valaaulia se tamaitiiti e faia le tatalo amata.

Faatinoga Fai i tamaiti e faia ni faatinoga se lima pe ono, e pei o le tutu i luga, sii i luga lima, faataamilo, patipati o latou lima, ma le nonofo i lalo. Vivii i latou mo le usiusitai mai ia te oe.

Ata Ia uu e se tamaitiiti le ata o i le itulau 62. Faasino i le tama ma le tina o i le ata. Faamalamalama atu o tama ma tina na fai i tamaiti e fesoasoani i le togalaau, ona fai mai lea o tamaiti, “O le a ou usiusitai.” Tusi i tamaiti i le ata ma faamamafa atu o loo fesoasoani i latou i o latou matua.

Mau Ta’u i tamaiti e faapea, i totonu o tusitusiga paia tatou te aoao ai e finagalo le Tama Faalelagi ma Iesu Keriso ia tatou usiusitai i o tatou matua. Susu’e le Tusi Paia i le Efeso 6:1 ma faitau, “O outou le fanau, ia outou faalogo i o outou matua i le Alii: aua o le mea tonu lava lea.” Valaaulia tamaiti e fai mai, “O le a ou usiusitai .” (*Manatua*: Atonu o nisi o tamaiti o loo tausia e matua o matua po o isi tagata o aiga. Ia e nofouta i ia tulaga a o faia le lesona lenei.)

Pese Valaaulia tamaiti e tutu i luga. Usu pe fai atu upu i le “E Vave Ona Ou Usitai” (*Tusipese a Tamaiti*, 71) ma fai ia taga o loo i lalo. Valaaulia tamaiti tou te faia faatasi

A valaau mai tina, (*faaofuofu lima i le gutu*)
Ou te usitai. (*tamo’emo’e filemu i lona tulaga*)
Ou te manao e fai mea lelei (*luelue le ulu i luga ma lalo*)
I aso uma.

A valaau mai tama, (*faaofuofu lima i le gutu*)
Ou te usitai. (*tamo’emo’e filemu i lona tulaga*)
Ou te manao e fai mea lelei (*luelue le ulu i luga ma lalo*)
I aso uma.

MOTUGAAFA
FAAFAIAOGA

Alofa: Taumafai e te alofa i tamaiti i le vasega pepe. “Afa tatou te alolofa ia i latou o loo tatou aoaoina, tatou te tatalo mo i latou uma taitoatasi. . . . Tatou te fetuunaia a tatou aoaoga ina ia fetawai ma mea latou te manaomia, e tusa lava pe tele ai se taimi ma ni taumafaiga e alu ai. Ia tatou matauina pe a le avai mai ma e tatau foi ona tatou faafeiloaia i latou pe a latou avai mai. Tatou te ofoina atu le fesoasoani pe a manaomia” (*O Le Aoa Atua, E Lei Se Isi Valaauga e Sili Ai*, 34).

Tama oi le Lagi, (*fusi oe lava*)
Alofa ia a'u. (*fusi pea oe lava a o feliliuui mai lea itu i lea itu*)
Ou te manao e fai mea lelei (*luelue le ulu i luga ma lalo*)
I aso uma.

Ata Faaali atu le ata o Iesu i le itulau 106. Ta'u i tamaiti sa usitai Iesu i le Tama Faalelagi, ma e finagalo o Ia ia tatou usiusitai foi.


Faaiuga Faasoa atu lau molimau o le a tatou fiafia pe a tatou usiusitai.

Tatalo Valaaulia se tamaitiiti e faia le tatalo faaiu.

GAOIOIGA E FILIFILI AI

SAUNIUNIGA *Mo le gaoioiga i mea faitino:* Aumai se pusa, ato, po o se isi koneteina e i ai ni aitema laiti i totonu e mafai ona maua ai le pui-puiga, e pei o le faamalu, seevae, pulou, peleue, po o totinilima. Taumafai ia tofua ia tamaiti ma se aitema.

Mo le gaoioiga i papeti: Kopi ma oti ese ia ata tusi o i le itulau 63 mo tamaiti taitoatasi e valivali. Faakelu pe faapipii ata i fasilaau po o taga pepa e fai ai papeti.



Faatinoga Faataitai Fai ma faatino faatasi ma tamaiti mea ia:
Fai mai Mama, “Fai lou ofu, faamolemole.” Fai o tatou ofu (*faafoliga o loo fai ofu*).
Fai mai Papa, “Fufulu ou mata, faamolemole.” Fufulu o tatou mata (*faafoliga o loo fufulu mata*).

Toe fai mo isi faatinoga, e pei o le “ai le meaai,” “alu e moe,” ma isi. Vivii tamaiti mo le usiusitai.

Gaoioiga i Mea Faitino Fai i se tamaitiiti e filifili se aitema se tasi mai le pusa ma faataitai. Talanoa i tamaiti e uiga i le ituaiga o pui-puiga e maua mai i le aitema lena (mo se faataitaiga, o seevae e pui-pui ai o tatou vae mai le palapala po o le manua, o le faamalu e pui-pui ai tatou mai le susu i le timu po o le vevela i le la, ma isi). Faamalamalama atu o nei mea e pui-pui ai i tatou; e mafai foi ona tatou saogalemu ma fiafia pe a tatou usiusitai i o tatou matua.

Gaoioiga i Papeti Ia valivali e tamaiti papeti ua e saunia. Faitau atu i ai tulaga faataitai nei (pe fai ni a oe lava tulaga faataitai). A maea vaaiga taitasi, faaoga e tamaiti a latou papeti e tali atu ai, “O le a ou usiusitai.”

Fai mai Mama, “Ia agalelei i lou tuafafine, faamolemole.” O le a lau tala e fai?

Fai mai Papa, “Ua oo i le taimi e te moe ai, faamolemole.” O le a lau tala e fai?

Fai mai Tinamatua, “Sau e 'ai, faamolemole.” O le a lau tala e fai?

Fai mai le Faiaoga, “Tatou sauni mo le tatalo, faamolemole.” O le a lau tala e fai?

Fai mai Iesu, “Ia outou fealofani.” O le a lau tala e fai?

O lenei gaoioiga e fetau lelei lava mo tamaiti matutua.

MOTUGAAFA FAAFAIAOGA

Tatalo: Afai e manaomia e le tamaitiiti le fesoasoani e fai le tatalo, fai atu ia te ia fuaiupu pupuu ma faigofie e faataitai i ai. E ono mafai e tamaiti matutua ona tatalo e faaoga ai a latou lava upu.

O le vivii atu e taua tele i tamaiti. E agoalofa i latou ma e mananao ia alofagia ma talia i latou. Atiina ae o latou lagona talitonu ia i latou lava ma faaali i ai lou alofa mo i latou e ala i le vivii faamaoni o a latou taumafaiga i soo se taimi e tatou ai.

Toe faamanatu: A o tuua e tamaiti le vasega, fesoasoani ia i latou e faamatata i o latou matua mea na latou aaoaina.

